



CT scanner pillug § 37-mut apeqqutip akissutaa

16-02-2016
Sags nr. 2016 - 2354
Akt nr. 2076917

Asasara Anthon Frederiksen

Inatsisartut suleriaasiat malillugu CT scanner pillugu apeqquteqaatinnut qujanaq.

Apeqquteqaatitit ataani akissavakka.

Postboks 1160
Tlf: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. Sinerissami napparsimaveqarfiit qassit CT-scanner-imik peqapat?

Akissut:

Kalaallit Nunaata peqqinnissaqarfia CT-scannerimik atoriaannarmik ataatsimik peqarpoq, taanna Dronning Ingridip Napparsimavissuani Nuummiittumiippoq.

2. Sinerissami napparsimasut qanoq amerlatigisut Dronning Ingrid-ip napparsimavianut CT-scanner-tikkiartorlutik angatinneqartartut qanoq amerlatigippat?

Akissut:

Ataani takussutissiami napparsimasut amerlassusai takutinneqarput, taakkuupput sinerissamingaanniit Dronning Ingridip Napparsimavissuanut CT-scanner-tikkiartorlutik angalasut.

<i>Ukioq</i>	<i>Napparsimasut amerlassusaat</i>
2015	970
2014	952
2013	774

2013-miit 2014-mut qaffariaat pissutigivaa 2014-mi qaratsamikkut aanaartoornikut ilanngunneqarmata. Tamatuma ilutigaa qaratsamikkut aanaartoornikut tamarmik piaartumik CT-scanner-tittarnissaat.

3. Peqqinnissaqarfiup iluani ileqqorissaarnissamut siunnersuisooqatigiinnik pilersitsisoqarsinnaanera Naalakkersuisut qanoq isumaqarfigaat?

Akissut:

Nakorsatut neriorsuineq ileqqorissaarnermut tunngaviuvoq nakorsat sulinerannut. Innuttaasutut napparsimasutullu toqqissisimanarpoq nalunagu peqqinnissakkut suliaqartuusut ileqqorissaarnermut suliamullu tunngasut ingerlaqatigiimmata.

Peqqinnissakkut misissueqqissaartartut ukiorpassuarni namminerisamik Peqqinnissakkut ilisimatusarnerup ileqqorissaarnermut ataatsimiititaliaqarput (Sundhedsvidenskabetiske komite), tassani peqqinnissakkut ilisimatusarnerit tamaasa nalunaarsorneqartussaallutik. Oqaatigineqassaaq Kalaallit Nunaanni ilisimatusarneq annertummat, tassani inuiaqatigiit peqqinnissallu akornanni pivoq.

Ulloq 6. september 2015 Norgemi, Sverige-mi, Danmark-imi Savalimmiunilu ileqqorissaarnissamut siunnersuisooqatigiit Nuummi ataatsimiinneranni peqataavunga oqaaseqarlungalu. Tassani ileqqorissaarnermut siunnersuisooqatigeeqarneq oqallissutigineqarpoq aalajangerneqarlunilu Peqqissaasut Katuffiannit (PK) siunnersuisooqatigiimmik taamaattumik pilersitsisoqassasoq.

PK taamatut suliniuteqarnera pilersitsiniarneralu Naalackersuisunit nuannaarutigineqarpoq taamaasillunimi nunani avannarlernitulli ingerlatsisoqarsinnaaleramat.

Naalackersuisut siunnersuisooqatigiit suliaat malikkusuppaat misilittagaallu siunissami ileqqorissaarnermik siunnersuisooqatigeeqassanersoq nalilersorneqassallutik.

4. Isorliunerusunik peqqinnissaqarfiup innuttaasunik toqqissisimanartumik sullinneqarnerat qanoq ilillutik Naalackersuisut qulakkeerniarpa ?

Akissut:

Naalackersuisut peqqinnissaqarfimmi suliassat pitsanngortuarnissaanik suliaqartuarput, assersuutigalugu Kangerlussuarmi napparsimasut utaqqisarfiannik pilersitsineq aammalu atornerluineranut pilersaarut aqqutigalugu qulakkeerpa atorerluisut akeqanngitsumik katsorsartittalernissaat.

Taakkua saniatigut suliniutit ingerlaarput – assersuutigalugu kinguaassiutikkut nappaatit tuniluutinninnissaanut suliniutit aammalu tuberkulose akiorniarlugu iliutsit. Taakkua saniatigut suliniutit 2016-mi aallartisarneqassapput – tassani minnerunngitsumik Inuuneritta II najoqqutaralugu Nerisanut ukiorititaq.

Maanna aamma telemedicin nuna tamakkerlugu atornerunissaanut suliniuteqartoqalereerpoq. Uani eqqaasinnaavarput tarnimikkut napparsimasut oqaloqatigineqartarneri telespykiatri atorlugu ingerlanneqalereerpoq.

Inussiarnersumik inuulluaqqusillunga
Med venlig hilsen


Doris Jakobsen